

Brintiliornermut brintillu atorreqarnissaanut illoqarfinni imermit nukissiornermik pilersorneqartuni nukiup atorreqanngitsup atorissaanut Ilulissani misiliutaasumik suliniuteqarnissamut pilersaarummik Naalakkersuisut UPA 2018-imut saqqummiussinissamik peqquneqarnissaat pillugu Inatsisartut aalajangiiffisassaattut siunnersuut

(Saqq.: Inatsisartut ilaasortat Anders Olsen, Vivian Motzfeldt, Bendt B. Kristiansen, Debora Kleist aamma Mala Høy Kúko)

pillugu

Sanaartornermut ataatsimiititaliap

ISUMALIUTISSIISSUTAA.

Siunnersuuttip aappassaaneerneqarneranut tunniunneqartoq.

Suliarineqarnerani Ataatsimiititaliap ukuninnga inuttaqarpoq:

Inatsisartunut ilaasortaq Bendt B. Kristiansen, Inuit Ataqatigiit, siulittaasoq
Inatsisartunut ilaasortaq Jens-Erik Kirkegaard, Siumut, siulittaasup tullia
Inatsisartunut ilaasortaq Anders Olsen, Siumut
Inatsisartunut ilaasortaq Jess Svane, Siumut
Inatsisartunut ilaasortaq Villy Olsvig, Inuit Ataqatigiit

UPA 2017-imi ull. 11. maj 2017 siullermeereermermi ataatsimiititaliap siunnersuut misissorpaa.

Siunnersuuttip imaa aamma siunertaa

Brintiliornikkut nukinnit isumalluutit maanna annaaneqartartut atorreqarsinnaalernissaat siunnersuuteqarnikkut siunertaavoq. Naatsumik oqaatigalugu imermit nukissiornermit sualummik aasaanerani innaallagissamik sinneruttoortoqartarpoq.

Siunnersuuttip Inatsisartunit siullermeerneqarnera

Partiit akornanni siunnersuummik siamasissumik tapersersuisoqarpoq, ataatsimullu isigalugu nalillit maanna annaaneqartarnerat isumaqatiginartinneqarpoq, nalillimmi taakku Kalaallit Nunaata mingutsitsiffiunnginnerusup suliniutigineqarneranut atorluarneqarnerusinnaagaluar mata.

Ataatsimiititaliap siunnersuummik suliaqarnera

Aallarniutigalugu oqaatigineqassaaq siunnersuut siusinnerusukkut Sanaartornermut
 ataatsimiititaliaasimasumit tunniunneqarsimasoq maanna Sanaartornermut
 ataatsimiititaliaasup aatsaat misissoqqimmagu.

Sanaartornermut ataatsimiititaliap paasivaa, Nukissiorfinni brintimik siusinnerusukkut
 misileraasoqarsimasoq. Ataatsimiititaliattaq paasivaa, misiliinerit taakku ukiorpaaluit
 matuma siorna ingerlanneqarsimasut, misileraaneruilu taakkunani biilnut brintimik
 ingerlatilinnut brintiliorneq pisimasoq.

Maanna suliniuteqarnissamik siunnersuuteqarnermi teknologiip nutaap
 misilerarneqarsimasulli atornerqarnissaa siunertaavoq, teknologiimilu tassani pineqarpoq,
 brintiliornermi atortuutit pigineqareersut nunarsuarmilu sumi tamaani pioreersut.

Taamaaqataaniq ataatsimiititaliap paasinninnera malillugu inoqarfinni mikinerusuni brintimik
 atuineq sanaartukkani mikinerni pisinnaasoq, ilaatigut ikummatissatut immiiviit
 (brændselsceller) atornerisigut, ilaatigullu motorit dieselitortut pigineqareersut atornerisigut
 ilaatigullu brinti atorlugu motoriviit nutaat ikkussorneqarnerisigut.

Ataatsimiititaliap maluginiarpaa pingaartillugulu, siunnersuutikkut nukiup maanna
 annaaneqartartup atorluarnissaa kissaataamat, taamaalillunilu nukik sumiginnarneqartoq
 pissutaalluni inuiaqatigiinni ineriartorneq atugarissaarnerlu pakkersimaarneqassanani.

Aamma ataatsimiititaliap maluginiarsimavaa, brintiliuutit nutaaliaanerpaat nalinginnaasumik
 containerimiissinnaammata angallanneqarsinnaassallutillu, tamannalu sumiiffinni allani
 matumanilu pineqartumi Ilulissani nukimmik sinneqartoorfusartumi pisinnaasoq.

Naggataatungaani Naalakkersuisut Attassisinnaanermut Siuariartornermullu Pilersaarutaata
 malitsigisaanik siunnersuut pissusissamisoortut ataatsimiititaliamit isumaqarfigineqarpoq,
 pilersaarullu pillugu Inatsisartut tapersersuinertik isumaqatigiillutik siusinnerusukkut
 saqqummiunniuguat. Pilersaarummi toqqaannartumik takuneqarsinnaavoq, 2030-imi
 Nukissiorfiit nukimmik pilersitsisarnerata minnerpaamik 90 %-ia ataavartumik nukissiuutinit
 aalaaveqarnissaa Naalakkersuisunit anguniarneqartoq. 2014-imi Nukissiorfiit nukimmik
 pilersitaata 67,8 %-ia ataavartumik nukissiuutineersuuvoq, nunalu tamakkerlugu ataatsimut
 imminut pilersorsinnaanerup annertussusia 17,4 %-iulluni (qupp. 68).

Isumaliutissiissutip uuma saqqummiutinngitsiarnerani ataatsimiititaliaq
 Inuussutissarsiornermut, Suliffeqarnermut, Niuernermet,
 Nukissiuuteqarnermullu Naalakkersuisumit paasissutissanik itisiliisunik tigusaqarpoq
 (Ilanngussaq 1).

Paasissutissatigut ilaatigut takuneqarsinnaavoq brinti pillugu suliniuteqaratarsinnaanerup erseqqissaaviginissaanut ingerlatsineq pillugu assersuusiummik suliaqarnissamut Nukissiorfiit Naalackersuisunit qinnuigineqassasut. Ingerlatsineq pillugu assersuusiut 2017-ip naalernerani saqqummiutereersimaneqassasoq naatsorsuutigineqarpoq, kingornatigullu UPA 2018-imi suliarineqarluni. Ataatsimiititaliaq isumaqarpoq, taamatut ingerlatsineq pillugu assersuusiummik suliaqarneq maanna aalajangiiffigisassatut siunnersuutip siunertaanut naapertuuttutut piareersarneqarsinnaassasoq.

Siunnersuutip aningaasatigut kingunissai

Inatsisartut suleriaasianni § 33, imm. 1-imi allassimavoq, aalajangiiffigisassatut siunnersuutip piviusunngortinnissaanut siunnersuut tunngavilersugaassasoq siunnersuutillu aningaasatigut allaffissornikkullu kingunissai allaaserineqarsimassasut.

Ataatsimiititaliap maluginiarpaa, taakku naapertorlugit siunnersuutip piviusunngortinnerani siunnersuutip aningaasatigut kingunissai taaneqarsimasut, taamaalillunilu suliap ingerlanneqarnissaanut Nukissiorfinnit aningaasaliisoqarsinnaanissaa naatsorsuutigisariaqartoq. Taaneqarportaaq aningaasat tamatumani pisariaqartussat Nukissiorfiit nammineq pigisaanit Naalackersuisoqarfulluunniit pigisaanit nassaarineqarsinnaasariaqartut.

Taaneqarportaaq misissuineq sulisup ukiup affaani sulisinneqarnissaata nalinga sinnerlugu akeqarnissaa naatsorsuutigineqanngitsaq, suliallu allat ilanngullugit tamanna suleqatigiissutigineqarsinnaassasoq naatsorsuutigineqartoq.

Ataatsimiititaliattaq paasivaa, nukimmik nammineq tunisassiornitsinni ikummatissat uumassusilinneersut 10-20 %-iisa misaaniittut brintimit taarserneqarsinnaappata tamanna nukimmik mingutsitsissutaannginnerusumik kinguneqassasoq, kisiannili aamma ataavartumik uuliamik eqqussuinerup appariaateqarnissaanik kinguneqarnissaa assortorneqanngitsaq. Tamanna niueruteqartarnitta oqimaaqatigiissittarneranut ajunngitsumik kinguneqassasoq naatsorsuutigineqarpoq.

Ataatsimiititaliap inassutaa

Tamanna tunngavigalugu siunnersuut taama isikkoqartillugu Inatsisartunit akuerineqassasoq **Sanaartornermut ataatsimiititaliap isumaqatigiittup inassutigaa.**


19. maj 2017

UPA 2017/182

Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut aappassaaniigassanngortippaa.



Bendt B. Kristiansen,
Siulittaasoq




Jens-Erik Kirkegaard,
Siulittaasup tullia



Jess Svane



Anders Olsen



Villy Olsvig



Ilanngussaq Bilag 1

Sanaartornermut ataatsimiititaliaq

Ilassutitut paasissutissat UA2017/182-ip siullermeerneqarnerani

18-05-2017
Sags nr. 2017 - 8675

Matuma siunnersuutip siullermeerneqarnerani pineqartumut itisiliinissara pissusissamisoorsoraara, aammalu ilanngullugit saqqummiukkusullugit Nukissiorfinniit ukiualuit matuma siorna brintteknologi-mut tunngasut misileraanermi paasissutissat amerlanerusut aammalu ingerlatsinermit misilittakkkat. Sanaartornermut ataatsimiititaliamut akisutit Nr. 1003235, sagsnr. 2012-069800 ulloqartuni 04-09-2012 aamma takuneqarsinnaavoq "Brint-demonstrationsanlæg pilersinneqarsimasoq marts 2010 aammalu ilaatigut anguniagaalluni Nukissiorfiit ingerlatsinermik misilittagaqarnerulernissaat brint-ip atornerani. COWI'p naliliinerata takutippaa, anlæg-eq arlalinnik ingerlatsinermi ajornartorsiuteqarsimasoq aammalu taamaallaat ingerlasimalluni piffissap 15 %-iata missaannaani. Brint atorlugu pilersuinissap aallartissinnaanera – maannakkut teknik-ikkut ineriartorneq tunngavigalugu – naatsorsuutigisariaqarpoq siunissami ungasissorujummi aatsaat pisinnaassasoq."

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Misileraaneg aningaasatigut tamakkiisumik naleqarpoq 8,6 mio. kr. miss. Taakku ataasiartumik nalikilliliissutigineqarput, matumani pineqarmat ineriartortitsinermik - /pilotprojekti.

Isumaqatigivara, misissugassat tamaasa misissortariaqartut imermik nukissiorfiit nukimmik pilersuisinnaanerisa pitsaanerulersinnissaannut. Maannakkut pisinnaasaq Ilulissani tamakkiisumik atorneqanngilaq. Nukissiorfiit periarfissaasinnaasut misissorlugit aallartereerpaat, soorlu kallerup inneranit kiassarneq qaminneqarsinnaasoq. Tamatuma saniatigut naleqquppoq isiginiassallugu, Nukissiorfiit mittarfiup taallineqarnerani illoqarfiup ineriartornissaata pilersornissaa piareersimaffigisinnaassagaat, tamatumalu malitsigisaanik takornarissat amerlinissaat.

Brint pillugu suliniutaasinnaasumik sukumiisumik misissuinermit aammalu allaaserinissaanut atatillugu naleqquttutut isigaara, immikkut ittumik suliaqartoqassasoq Business Case-mik. Nukissiorfiit piginnaasaminnik ingerlaavartumik ineriartortitsinerminut aamma ilanngullugu brint-ip nukissiuutitut atorsinnaaneranut paasissutissanik nutaanik pissarsisarpoq, aammalumi suliffissuaqarfinniit, universitet- iniillu aammalu nunani allani nukissiuuteqarfinniit isumassarsiortarluni. Taamaattumik pilersaarutigaa Nukissiorfiit piumaffigssallugu taama ittumik Business Case- liortoqassasoq, tamatumani immikkut ilisimasallit nunani allaneersut, universitet-it aammalu suliffissuaqarfiit suliarnut ilanngutitillugit. Tamatumunnga Business Case

naatsorsuutigineqarsinnaavoq piareersimasinnaassasoq 2017-ip naajartornerani, tamatumalu kingorna oqallisigineqarsinnaalluni 2018-ip upernaajunerani ataatsimiinnermi.

Kingunerisaanik aalajangertoqassappat pilotprojekt-imik aallartitsisoqassasoq aningaasaqarnermut tunngasortaa immikkut ittumik aningaasaliissutaasariaqarpoq ingerlaannartumik nalikillisassaassalluni, pilersaarut naammasseriapat.

Nunaqarfinni nukissiuutinin ineriartortitsinermit tunngatillugu Nukissiorfinnit isumaqarfigineqarpoq brint teknologi sulii ineriartortinneqarsimanngitsoq tamakkiisumik atorineqarnissaminut. Nukissiorfiit, nunaqarfinni ataavartumik nukissiuutinin patajaallisaanerminut atatillugu, Igalikumi ataatsimoortumik seqinermit, anorimut, batteri-inut aammalu dieselanlæg maanna ikkussuivoq. Anlæg-eq atoqqaarfissiorneqassaaq juli 2017-ip naalernerani. Tassanngaanniit ingerlanneranut nalunaarsukkat nunaqarfinni allani taama ittup ineriartortinneqarneranut imaluunniit naleqqussakkanut tunngaviliisuussapput.

Neriutigaara, Sanaartornermi ataatsimiititaliap qulaani isumaliutigineqartut/ paasissutissiissutit ilassutaasut ilanngutissagai UA2017/182-ip suliarinerani.

Inussiarnersumik inuulluaqqusillunga


Hans Enoksen